

NAMVRCVM.

341

Neque ita pridem coeperunt effodi saxa illa ad ignem idonea (*Lithanthracas* nominare possumus) de quibus *Soli fertilitas.*
diximus in præcedenti Descriptione. Porro ditio ista omnis initio Dominum habuit titulo Marchionis: po- *Imperium majo-*
stea Dominum sæpius mutavit. Marchio fuit *Philippus*, Frater Balduini Comitis Flandriæ Anno MCC. Co- *rum.*
mes fuit *Theodorus*: cujus obitu tota ditio celsit *Philippo Bono* Burgundiæ Duci, quemadmodum in Germa- *Urbes.*
niæ Inferioris descriptione a nobis explicatum est. Vrbes in hoc Comitatu muro cinctæ sunt quatuor, *Namurcum*, *Bovina*, *Carlomontium* & *Valencourtium*. Pagi CXXCII. *Namurcum* (*Namur*) urbs est primaria,
cujus nomen unde ductum sit, ignoratur: alii putant a *Nano* Deo Gentili, qui quum antea oracula fundere
solitus esset, sub adventum Christi Servatoris obmutuit. Ergo a Nano muto *Namurcum*: alii a Novo Muro
illuc Romanorum opera extructo. Vrbs sita est inter duos Montes, in læva Mosæ ripa, qua Sambram reci-
pit. Distat IIX mill. Lovanio, X Leodio & totidem Bruxellis. Dives est, & splendida publicis privatisque
ædificiis, Arce etiam instructissima bene munita. Quarto milliari a Namurco sunt *Bovina* (*Bourvines*) opidum
exiguum, quod bellorum injuriis jam aliquoties vastatum, postremum vero ab Henrico II Galliarum Rege
Anno CIO IO LIV magna parte destructum est. Id ex eo tempore Civium industria restitui & restaurari coepit.
Carlomontium (*Charlemont*) extructum est a Carolo V Anno CIO IO LV adversus Gallos, qui tunc Maria-
burgo potiebantur. *Valencourtium* opidum minime aspernandum Namurco VII milliari intervallo di-
stans. Flumina habet hæc regio piscosa: inter quæ primas obtinent *Masæ* & *Sambræ*: Fontes vivos & largos. *Flumina.*
Silvas non tantum ad delectationem, verum etiam ad venationem aptissimas, Feris refertissimas. Multa sunt *Silvæ.*
in hoc Comitatu Templi, & Cœnobii splendida Namurcensium Comitum sumtibus olim constructa, & *Opera publica.*
opimis honorata redditibus. Tertio Milliari a Namurco dives est pagus *Audemnas*, in quo vetustissimum Mo-
nasterium Canonicarum nobilium Fœminarum extructum institutumque a Begga filia Pepini veteris, a qua
primum creduntur dictæ Vestales *Baggina*. Status Politicus Comitatus Namurcensis tribus constat Membris,
quæ sunt Ecclesiasticus Ordo, Nobilitas, Civitates præcipuæ. In Ecclesiastico Ordine sunt Abbates *Flores*,
Granpré, *Anden*, *Bonaf*, *Wassore*, *Hastieis*. Nobilitas *Done* Vicecomitatus etc. Civitates præcipuæ *Namur*, *Bovina*,
Charlemont, *Valencourt* sive *Walencourt*. In vrbe Namurcensi sedes est Consilii Regii, a quo appellatio est ad Cu-
riam Mechliniensem. Est & Sedes Episcopi, cujus Templum Cathedrale sacrum est S. Albino. Cives armis ad-
sueti sunt, Gallicus iis sermo, sed corruptus. Mercatores pauci & opifices: Nobilium magna turba: sed qui nothi
sunt Illustrum Principum, velè nothis oriundi.

V v iij

Restant